



Uunga
Akitsinnguaq Olsen (S)
- MAANI

Atorfinitsitsisarunnaarneq pillugu § 37/2011-170-imut akissut

06. sep 2011
Sagsnr. 2010-042115
Dok. Nr. 714174

Apeqqtinnut matumuuna akineqartunut qujanaq.

1. *Allaffissornermi atorfiit qanoq amerlatigisut ulloq 31. juli 2011 tikillugu atorfinitsitsisarunnaarnermik eqqugaappat?*

Postboks 1037
3900 Nuuk

Tlf. (+299) 34 50 00

Fax (+299) 32 46 14

E-mail: oed@nanoq.gl

www.nanoq.gl

AKISSUT: Atorfinitsitsisarunnaarneq allaffissornermi sulisunik atorfinitsitsisarnermik unitsitsinerunngilaq. Atorfinitsitsisarunnaarneq isumaqarpoq atorfeqarnermut atatillugu inissaqartitsitsilluni taamaalillunilu Namminersorlutik qitiusumik inissianik atugassaanit utaqqiisaasumik inissiaqartitsilluni atorfinitsitsinerit amerlassusaat tamanut tunngasumik killilerneqarnertut (aningaasanut inatsimmi 20.30.09).

Atorfinitsitsisarunnaarneq isumaqarpoq Namminersorlutik Oqartussat siunertamut tassunga inissianik atugassaannit atorfinnut sorlernut utaqqiisaasumik inissianut aningaasalersuisoqarnissaanik Namminersorlutik Oqartussat tulle-riissarisut.

Nalilersuinermit ataatsimiititaliamik atorfinnut aalajangersimasunut qitiusumit aningaasaliisoqarnissaanik qinnuteqaatinik tiguneqartunik suliarinnittussamik pilersitsisoqarpoq. Atorfiit inuiaqatigiinnut pingaaruteqartut aammalu ilinniartitaanermi inunnillu isumaginninnermi sulisoqarfinni atorfiit pingaarnarpaatillugit al-laffissornermilu atorfiit appasinnerpaamik pingaartillugit tulleriissaarisooqartarpoq. Nalilersuinermit ataatsimiititaliaq qaammammi pineqartumi utaqqiisaasumik inissianik atorneqarsinnaasunik akuersisarpoq, tassani piffissat unittoorfiusinnaasut annikillisinneqarnissaat siunertaalluni.

Nalilersuinermit ataatsimiititaliap itigartitsinerani atorfinni tamani atorfimmut atatillugu inissiamik innersuussisoqarnissaata tungaanut utaqqiisaasumik inissianut immikkoortortaqaqarfiup aningaasalersorusuppagu immikkoortortaqaqarfimmit atorfinitsitsisumit atorfimmut atatillugu inissiassaqartitsilluni inuttassarsiuussisoqarsinnaavoq,

Allaffissornermi atorfiit qanoq amerlatigisut atorfinitsitsisarunnaarnermik eqqugaanersut eqqortumik takutitsisumik naatsorsoqqissaarneqarsinnaanngillat. Taamaammat allaffissornermi (allaniluunniit) atorfiit qanoq amerlatigisut inissiaqartitsisarnerup killilersorneqarnerata kingunerisaanik naalakkersuisoqarfiit inuttassarsiunngiinnartarneraat nalilersorneqarsinnaanngilaq.

2. *Kandidatit allatulluunniit qaffasissumik ilinniagallit Kalaallit Nunaata avataani inunngortut qanoq amerlatigisut piffissami 1. januar-imit 31. juli 2011-p tungaanut atorfinitsinneqarpat?*

Kandidatit inuillu qaffasissumik ilinniagaqartut Kalaallit Nunaata avataani inunngortut piffissami 1. januar-imit 31. juli 2011-p tungaanut atorfinitsinneqartut qanoq amerlatiginerannik Namminersorlutik Oqartussat naatsorsueqqissaarinernik peqanngillat. Tamassumunnga pissutaavoq sulisut sumi inunngorsimanerannik Namminersorlutik Oqartussat nalunaarsuineq ajorneri.

Tassunga atatillugu ilisimatitsissutigissavara pineqartut allaffissornermi atorfinni atorfinitsitsisarunnaarnermut ilaasuni atorfinikkajuttartut.

3. *Atorfinitsitsisarunnaarneq qanoq sivistigisumik suli ingerlassasoq Naalackersuisut naatsorsuutigaat?*

Tamanna aalajangiivigineqarnikuunngilaq.

Inussiarnersumik inuulluaqqusillunga

Maliina Abelsen